

**TEKS UCAPAN
BRIG. JEN. DATUK PROF. DR. KAMARUDIN HUSSIN
NAIB CANSOLOR
SEMPENA
PROGRAM SEMINAR WACANA – INDAHNYA ISLAM MENURUT AL-QURAN
DAN AS SUNNAH
SERTA
PENYERAHAN BANTUAN UNTUK ANAK YATIM, FAKIR DAN SAUDARA
BARU SEMPENA IHYA RAMADAN 1435H/ 2014M PERINGKAT UniMAP**

Terima kasih kepada Yang Berbahagia Dato' Pengerusi Majlis.

Yang Amat berhormat Dato' Seri Azlan Bin Man, Menteri Besar Perlis

Pegawai-pegawai Kanan UniMAP,

Yang Berbahagia Dr. Assheikh Abd. Rahman Al Balehy,

Pegawai-pegawai Kedutaan,

Penceramah,

Tuan-tuan dan Puan-puan seta seterusnya pelajar-pelajar yang saya kasihi
sekalian

Assalamualaikum Warahmatullahi Wabarakatuh dan Salam Ilmu Keikhlasan
Kecemerlangan UniMAP

KATA ALU-ALUAN

Firman Allah SWT ayat 183 surah Al-Baqarah yang bermaksud:

يَا أَيُّهَا الَّذِينَ آمَنُوا كُتِبَ عَلَيْكُمُ
الصِّيَامُ كَمَا كُتِبَ عَلَى الَّذِينَ
مِن قَبْلِكُمْ لَعَلَّكُمْ تَتَّقُونَ

“Wahai orang-orang yang beriman, telah difardhukan ke atas kamu berpuasa sebagaimana difardhukan ke atas umat-umat yang terdahulu, mudah-mudahan menambah lagi ketaqwaan kepada Allah S.W.T”

1. Oleh itu, bersyukur kita ke hadrat Allah S.W.T. kerana dengan limpah dan izinNya kita diberi kesihatan dan kemampuan untuk terus mengerjakan ibadah puasa dan bersolat dalam bulan Ramadan tahun 1435 Hijrah ini. Semoga segala ibadah kita diterima dan diperuntukkan ganjaran pahala dan balasan baik daripada Allah S.W.T.

Tuan-tuan dan puan-puan,

2. Seperti tahun-tahun yang lalu, Pusat Islam telah menganjurkan pelbagai aktiviti sepanjang bulan Ramadan dan pada tahun ini, buat pertama kalinya Seminar Wacana IndahNya Islam Menurut Al Quran dan Sunnah diadakan. Untuk makluman program ini adalah kerjasama di antara Kerajaan negeri Perlis, Pihak Kedutaan Arab Saudi, Pengurusan Dakwah Islamiah Malaysia (PEDIM) dan Universiti Malaysia Perlis.
3. Program ini bertujuan untuk kita mengetahui dan menghayati keindahan Islam melalui Al Quran dan Sunnah.

Dalam firman Allah dari Surah Al Baqarah, ayat 185 yang bermaksud;

“Di bulan Ramadan turunnya Al Quran memberi petunjuk kepada umat manusia dan membezakan diantara benar dan yang batil”

4. Melalui ayat ini jelas menunjukkan bahawa Al Quran adalah perlembagaan utama bagi orang-orang Islam demi kebaikan dunia dan akhirat.
5. Dalam Majlis ini juga, saya dimaklumkan bahawa Pihak Kedutaan Arab Saudi berbesar hati menyampaikan sumbangan kepada anak yatim, fakir dan saudara baru sempena bulan Ramadan yang mulia ini. Pihak kami telah berusaha untuk mengumpul seramai 300 orang dari kalangan ini untuk menyempurnakan hasrat murni Kedutaan Arab Saudi ini.
6. Alhamdulillah, kita berjaya mengumpulkan jumlah penerima tersebut. Walaupun bukan perkara yang mudah untuk dilaksanakan tetapi harapan saya agar pemilihan yang kita jalankan ini menepati syarat yang ditetapkan sekaligus memberikan keberkatan terhadap sumbangan ini. InsyaAllah.

PENUTUP

7. Saya tidak ingin mengambil masa yang lama untuk berucap pada petang ini. Justeru, saya ingin mengucapkan setinggi-tinggi terima kasih kepada kerajaan Negeri Perlis, pihak Kedutaan Arab Saudi, Pengurusan Dakwah Islamiah Malaysia (PEDIM) dan Pusat Islam yang telah menjayakan majlis yang mulia ini.

8. Semoga kita beroleh keberkatan daripada maklumat yang bakal dikongsikan dalam seminar ini nanti. Harapan saya kepada penerima-penerima sumbangan pula agar dapat memanfaatkan sumbangan ini dengan sebaik-baiknya mengikut jalan Islam.

9. Bagi mengakhiri ucapan saya ini, saya sekali lagi ingin mengucapkan ribuan terima kasih kepada semua pihak yang telah menjayakan majlis ini.

Sekian.

Wabillahitaufik Walhidayah Wassalamualaikum Warahmatullahi
Wabarakatuh